



PYSYRÕ OÛVA CIÊLOGUI

WATSON GOODMAN RUPI

**CO LIBROMI
NDICATUI OÑEVENDE**

“PYSYRÕ OÛVA CIÉLOGUI” Ha'e peteĩ colección ñe'ẽ porãvopy réva oñenohêva pe Santa Escripúragui. Aroviá añetehape, pe comentario iporãvéva pe Santa Biblia voínte oguereko.

Ñandeyára ñe'ẽ “Oúva Ciélogui” ha'e añete, heta ideprove cho umi ipy'añembyahýiva ha iyyuhéiva teko marangatu rehe. Pe cuimba'e oñearrepentirõ oabandonapá pe pecado. Oconvida Ñandeyára oucovehaguã pe icorazõme, ha ohero viá ypy'apýguive Jesucristo ha'e ha pe isalvador. Ñande yára voí oñemanifesta pe cuimba'e onace yevy pyahúvape, omoĩ tory ha ñerane'ỹ icorazõme. Che voí ahupyty ko'ãmba'e, 1937; ha upetéguive, aico Ñandeyárandie. Co cuatiá ñe'ẽ pa hape, ayerure ndéve co'ãnga, reaccepta haguã Ñandeyára Jesucristo nde Salvadorcha. Ndereyapói ramo gueteri, eyapo co'ãnga.

—Watson Goodman

ÑANDEYÁRA MBORAYHU

1

Jeremia 31:3

Tupã Ñandeyára oñemanifestava'ekue cheve ymaiteguive He'irõ: Pe mborayhu apyre'ỹ pype rohayhu, ha mbotuvichá Che misericordia.

Juan 13:1

Pe pascua arete ára mboyvéma, Jesús oikuaa oguahemahá hi'ára oho haguã ko yvy árigui, Tupã rendápe; ha'e tapia ohayhuvá'ekue umi imba'eva ko'a yvy ariguápe, ha ko'ãnga ohechauka ichupe kuérá pe imborayhu tuichakue.

Apocalipsis 1:5

Ha Jesucristo, pe testigo fiel, mborayhu ha py'aguapy oĩ pe-

nendive. Jesucristo niko pe oikove yevy va'ekue tenonderã omanóva apytígui yvy arigua mburuvicha guasu kuéra Ruvicha. Ha'e ñande rayhu ha ñane mopotĩ va'ekue ñande pecado kuéragui huguýpe.

Juan 3:16

Peichaite voi ohayhúgui Tupã yvórape niko ome'ẽ Ta'ýra ha'eñomiva, opa oyeroroviáva hese ani oñehunditei, hekove apyre'ỹnte haguã.

Romayguape 5:8

Tupã Ñandeyára katu ohechauka ñandeve imborayhu, Cristo omano pype ñande rehe, pecador ramo yepe gueteri ñande kuéra.

Mateo 1:22, 23

Opa ko'ã mba'e oyehu va'ekue oiko haguã hekoitépe pe Nandeyára he'i va'ekue ñemdñe'ehára rupi; Pe kuñataĩ imara'yva hyeguasúta ha imemby kuimba'eta, ha pe imemby hérata Emanuel, he'iséva, Tupã Nandeyara ña-nendive.

Juan 14:9, 10

Jesus he'i ichupe: Felipe, he-taite árama niko aime penendive, ¿ha piko ne'ira che kuaa? Pe chéve che recháva, ohecha che Rúpe, ha upéicharamo, ¿piko mba'erehe reyerure chéve ahech-
auka haguã peẽme che Rúpe?

¿Ndereroviái piko che aimeha pe che Rúpe ha pe che Ru oihá che pype? Umi mba'e che ha'éva peẽme, nda'ei che yehegui rei, che Ru uvei che pype oiva ha omba'apóva hina.

Juan 1:1, 14

Opaite mba'e oiko ñepyrũ ramo, oĩma va'ekue pe Tupã Nandeyára Ñe'ẽ; ha upe Ñe'ẽ oĩ va'ekue Tupã Nandeyára ndive ha ha'e Tupã Nandeyára voí. Ha pe Tupã Nandeyára Ñe'ẽ oiko kuimba'e ramo ha oiko sapy'a va'ekue ñande apytépe, mboray hu ha añetégui henyhété. Ore ro-hecha va'ekue iglória, pe Túva Ra'y peteĩetéva gloria teete.

CRISTO TUPĀ ÑANDEYÁRA RA'Y

3

I Juan 4:15

Oimeraēva he'íva Jesús ha'eha Tupā Ñandeyára Ra'y, oĩ Tupā Ñandeyára ndive ha Tupā Ñandeyára oĩ ipype.

Isaias 9:6

Peteĩ mitãmi onace kuri ñandeve, Ta'yra oñeme'ẽ ñandeve. Pe iprincipado iyatiy'ári; oñehenoiva'erã: Consejero, Admirable, Tupā mbareté, Túva apyre'y, ha pe ñerane'y Principe.

Lucas 1:35

Pe ángel he'i ichupe: Espíritu Santo pu'aka oúta nde ári, ha pe

Yvatetegua pu'akakue ne mo'ãta peteĩ araícha. Upévarehe pe mitã marangatu onacétava nde hegui hérata Tupā Ñandeyára Ra'y.

Colosayguápe 2:9

Opa pe Tupā Ñandeyára reko niko oĩmbá voí Crísto.

Mateo 17:5

Pedro oñe'ẽ yave gueteri hina, peteĩ araí omimbipáva oya-ho'i ichupe kuéra; ha pe araígui oñehendu peteĩ ñe'ẽ he'iva: kóva ha'e che Ra'y ahayhuetéva, che mbovy'aitéva pehenduke ichupe.

CRISTO OMOMBEU MAVAPA HA'E

Juan 10:7

Upéramo Jesús he'i yevy ichupe kuera: Añetehápe ha'e peẽme: Che ha'e pe okẽ oike haguã umi ovecha kuéra.

Juan 8:58

Añetehápe ha'e peẽme che Abraham mboyve guareha.

Juan 8:23

Jesús upéramo he'i ichupe kuera: Peẽ niko ko'a yvy arigua, che katu yvága pegua; peẽ niko yvypóra, che katu ndaha'ei yvypóra rehegua.

Juan 11:25

Jesús upéramo he'i ichupe: Che ha'e pe yeikove yevy ha pe te-

kove. Pe oyeroviáva che rehe, omano ramo yepe, oikove yevy vaerã.

Juan 6:35

Ha Jesús he'i ichupe kuera: Che ha'e pe pan oporomoĩgovéva. Pe oúva che rendápe, máramo na ñembyahýi vaerãi; ha pe oyeroviáva che rehe, máramo nda iyy'uhéi vaerãi.

Juan 13:13

Peẽ niko che mbohéra Mbo'ehára ha Yára, ha peye porã, upéva niko che.

Juan 9:5

Aime aya ko yvy ári che ha'e yvypóra kuera resapehára.

MILAGRO JESÚS OYAPOVA'EKUE

5

Lucas 5:5, 6

Ha Simón he'i ichupe: Mboé-hara, ange pyhare pukukue niko romba'apo kuri ha noroguenohēi mba'eve; upéicharamo yepe nde erégui aityta pe red. Ha oityvo omboty hikuái ipype heta eterei pirá kuéra ha oñepyru osoro umi red kuéra.

Mateo 14:19-21

Ha omboguapyuka umi gentepe kapi'ipepe ha upéi katu oypyhy ipópe umi cinco pan ha mokõi pirá ha oma'evo yvága rehe ohovasa ha oipese'ã umi pan. Upéi ome'ẽ hemimbo'e kuérape ha ha'e kuéra ome'ẽ umi

géntepe. Ha opavave ho'u ha hyvatabá. Upérire omohenyhẽ hikuái hembyrẽgui doce ayaká. Ha umi okaru va'ekue niko cinco mil kuimbr'e rupi, oyepapa'y rehe kuña ha mitã kuéra.

Mateus 20:30, 34

Ha oĩ upépe mokõi ohecha'yva oguapyva hina tape yképe, ha ohendúvo Jesús ohasaha ohóvo, osapukái hikuái: ¡Karai, Davira'y, oreporiahuverekomina! Ha Jesús oporiahuverekoite ichupe kuéra ha opoko hesa kuéra rehe. Ha upévovete umi ohecha'y va'ekue ohecha ha oho Jesús rapykuéri.

6 JESUCRISTO HA'E CREADOR HA ÑANDEYÁRA

Romayguápe 14:9

Upevará voí Cristo omano va'ekue ha oikove yevy: oiko haguã omanóva ha oikovéva Yára ramo.

Hebreo Kuérape 1:2

Ha ko'ã ára pahávo oñe'ẽ ñandeve Ta'ýra rupi, ha ichupe omoí va'ekue heredero ramo opaite mba'epe ha ha'e rupi oyapo va'ekue opa oíva.

Colosayguápe 1:16

Ha'e rupi Tupã Ñandeyára oyapo va'ekue opaite mba'e oíva yvágape ha yvy ári, umi mba'e oyehecháva ha umi oyehecha'

ỹva, mburuvicha guasu kuéra, umi ipoguýpe kuéra oporoguere kóva, autoridad ha pu'aka kuéra yvága ha yvy pegua, opa umi mba'e oiko va'ekue ha'e rupi ha ichupe guarã.

Juan 1:3

Ha'e rupi Tupã Ñandeyára oyapo va'ekue opaite mba'e; ha mba'evete ndoyapói Tupã Ñandeyára hese'ỹ.

Hechos 2:36

Toikuaa porãke Israel retã, ko Jesús, peẽ pemosaingo va'ekue kurusu rehe, Tupã Ñandeyára oyapo hague ichugui Mburuvicha Guasu ha Cristo.

JESUCRISTO YVYPÓRA KUERA JUEZ

7

Mateo 25:32

Ha opa tetãmegua kuéra, o-
ñebyatypa vaerã henondepe, ha
ha'e oipe'a vaerã oyuehegui, ku
ovecha rerekua oipe'a háicha iyo-
vecha kuéra, ikavara kuéragui.

II Timotéope 4:1

Tupá Ñandeyára ha Ñandeyá-
ra Jesucristo renondépe, ou vae-
rã iréinope ojuzgavo oikovevápe
ha omanóvape, oyerure yevy
yevy ndéve.

Romayguápe 2:16

Pe Tupã Ñandeyára ojuzga
haguã árape opa yvypóra kuéra
mba'e ñemimby Jesucristo rupi,
ko Evangelio che amoherakuãva
he'i háicha.

Juan 5:22

Ha pe Túva ndojuzgáiri ava-
vépe, Ta'yrape uvei ome'embá
autoridad oporojuzga haguã.

Hechos 10:42

Ha he'i oréve roñemoñe'ẽ ha
roikuaaka haguã opavavépe Tu-
pã Ñandeyára omoĩhá ko Je-
sús etépe voĩ oikovéva ha oma-
nóva Juez ramo.

Romayguape 14:10

¿Ha piko nde mba'érehe re-
juzga nde rapichape? Terã nde,
¿piko mba'érehe ndereyapói
mba'évéramo nde rapichápe? Ko
opavave yaha va'erã Cristo tribu-
nal renondépe yajejuzga haguã.

CRISTO RUPINTE OT REDENCIÓN

Juan 10:9

Che ha'e pe okẽ; pe che rupi oikéva oyesalva vaerã. Ha ha'e vaerã ku ovecháicha oike ha osẽva korágui ha oyuhúva hembí-urã.

Juan 14:6

Jesús he'i ichupe: Che ha'e pe tape, ha che ha'e pe añete ha che ha'e aveí pe tekovete. Che rupi mante ikatu oñeguahẽ che Ru rendápe.

Hebreo Kuérape 5:9

Ha pe iyehasa asy rupi oñem-boheko marangatuetéma ramo, oiko ichugui pe salvación tapia guarãva apohara opa umi ichupe iñe'ẽrendúvape.

Hebreo Kuérape 7:25

Upevarehe, ikatu osalva tapia guarã umi oguahẽvape ha'e rupi Tupã Nandeyára rendápe, oikovégui tapia guarã oroga haguã hese kuéra.

Hechos 4:12

Mavave ambue rehe ndaipori salvación, ndaipórigui téra ambue yvy ári oñeme'ẽ va'ekue yvy-póra kuérape ikatu vaerã rehe yayesalva.

Juan 8:24

Upévarehe ha'e kuri peẽme pemanotaha pende pecádope, perovia'ỹ ramo che ha'eha pe ha'éva, pemanóta pende pecádope.

CRISTO RUPINTE OĨ REDENCIÓN

9

Títópe 2:14

Ha'e ome'ẽ va'ekue hekove ñande raihupápe, ñande pe'a haguã opa mba'e ivaívagui ha ñane mopotĩ haguã imba'e tee-rã, hakate'ỹva tembiapo porã rehe.

I Corintoyguápe 1:30

Opáichavo, Tupã Ñandeyára voí pene mopeteĩ Cristo Jesús ndive ha oyapo avei Cristo oiko haguã ñandéve arandu ramo, ha Cristo rupi ñande culpa'ỹ haguã, ñane marangatu haguã ha yayesalva haguã.

Colosoyguápe 1:12-14

Ha ta peme'ẽ las gracias ñande Rúpe iya haguérehe ñandé-

ve. Ha'e rupi yahupyty haguã umi Tupã Nandeyára mba'eva mba'erã oĩva tesapehápe. Tupã Ñandeyára ñane renohẽ va'ekue pytũnguýgui ha ñane moĩ Ita'ýra ohayhuetéva réinope. Ha'e niko ñande salva hugui rupi, ha operdonamba ñande pecado ku-éra.

Apocalipsis 5:9

Ha opurahéiyoa peteí purahéi ipyahúva he'iva: Ndéve iya reypyhývo pe kuatiane'ẽ apakuapy ha reipe'a umi isello kuéra, reyeyuka haguérehe, ha nde ruguýpe ore yogua va'ekue Tupã Ñandeyára peguarã, opaichagua tribu, ñe'ẽ, tetã ha tetãyguá.

10 JESUCRISTO RUGUYRENTE OÍ SACRIFICIO

I Juan 1:7

Yaiko ramo tesapeha rendýpe katu, pe Tupã Nandeyára oí háicha tesape rendýpe upéicharamo ñaime oñendive kuéra peteĩ py'ápe ha Ta'ýra Jesucristo ruguy ñane mopotĩ opa ñande pecádogui.

I Pedro 1:18, 19

Peikuaa porãgui Tupã Nandeyára pende salva hague pe pende rekovekue maraverãgui peru va'ekue pende ru ypykuérãgui; ha upe salvación repy ndaha'ei hague mba'e opa vaerã óro terã plátricha, Cristo ruguy repy ete voí rupi katu uvei, omano

va'ekue peteĩ ovecha ra'y kuave'ẽmbý oĩmbá porã ha imarã'yvaicha.

Hebreo Kuérape 9:14

Pe Cristo ruguy makatu, pe Espíritu eterno rupi, oñekuave'ẽ va'ekue oyupe voí marã'y reche Tupã Nandeyárape omopotĩ Vaerã ñande, py'apy umi tembiapo mano reheguágui, ikatu haguã yaservi Tupã Nandeyára oikovévape.

Efesoyguápe 1:7

Ha'e niko ñande salva va'ekue huguy rupi, operdona pype ñande pecado kuéra, tuichaite niko pe imborayhu.

TUPÃ ÑANDEYÁRA SALVACIÓN CRISTO RUPI 11

Romayguápe 5:1

Upéicha rupi, yayerereko ri-re heko potíva ramo yayerovia rupi ñande py'aguapy Tupã Ñandeyára ndive Ñandeyára Jesucristo rupi.

Galaciayguápe 5:6

Ñañemopetei ramo Cristo Jesús ndive, mba'eve nde'iséi ñañe circuncidápa ra'e terãpa ahã-iri, pe tekotevêva añete niko ta yayerovia ha pe yerovia ta ñane moingo mborayhúpe.

Efesoyguápe 2:8, 9

Peẽ niko peyesalva Tupã Ñandeyára mborayhu rupi, peyero-
via haguérehe. Kóva ndaha'ei mba'e peẽ voí peyapo va'ekue ru-

pi, Tupã Ñandeyára remime'ente. Mavave ndoguerekói mba'érehe-
pa oyererovu haguã, pe salva-
ción ndaha' éigui tembiapo porã
rupi.

Juan 6:28, 29

Upéramo oporandu ichupe:
¿Mba'epa royapo vaerã royapo
haguã umi mba'e Tupã Ñande-
yára oyerureva? Jesús he'i ichu-
pekuéra: Tupã Ñandeyára oipo-
ta perovia pe ha'e ombou va'e-
kue rehe.

I Juan 5:4

Opa Tupã Ñandeyára ra'y a-
ñetéva ipui'aka ko mundo rehe.
Kóva niko pe ñane mbopu'aká-
va ko mundo rehe, ñande yerovia.

TUPĀ ÑANDEYÁRA MISERICORDIA

Salmos 103:11

Pe yvága iyyvatebáicha pe yvy árigui, upéicha niko oñemomba'ę guasu vaerã pe imisericordia umi oyeroviáva ári.

Salmos 103:17

Upe Tupã Ñandeyára misericordia niko ha'e voí eternidad guive, ha pe eternidad toí umi oyeroviáva ári. Ha pe injusticia toí avei umi ta'yra ha pe ita'yra kuérandive.

Migueas 7:18

¿Mávapa ndéicha Tupã Ñandeyára operdonava peyvypóra maldad, ha hesaráiva umi iremanente heredad pecadogui? Tu-

pá Ñandeyára niko no ñemyrõĩ tapiá, oguerekonte uvei tory pe imisericordia rupi.

Lamentaciones 3:22, 23

Tupã Ñandeyára misericordia rupi ha'e pe causa neirãha ñañe-consumi. Pe pyharevé ipyahu tapiá. Ha tuicha pe ifidelidad.

Títópe 3:5

Ñande avei niko yma va'ekue ñañehun di ñande vyrokuépe ha ñane ñe'ërendu'ỹme opaichagua mba'e pota ha vy'a rembiguái ramo. Yaiko va'ekue tembiapo vaí ha envídiape na ñande a'éimi ñande rapicha kuéra rehe ha ha'e kuéra ndaiya'éi ñande rehe.

TUPĀ ÑANDEYÁRA ÑANDERENÓI HESE RUPI 13

Lucas 19:10

Ko kumba'éicha ou va'ekue yvy ári oúgui ohekávo ha osalvávo pe oñehundi va'ekue.

Mateo 11:28

Peyupa che rendápe peẽ pe-ne kane'õ ha pemba'apo pohýiva, ha che pomombytu'úta.

Isaias 55:1

Opa umi iyy'uheváppe: Eyú pe ý porame, ha umi ndoguerekoi-va plata, eyú peyoguá ha pe'ú. Eyú, peyoguá plata'ýre ha precio'ýre vino ha kanbý.

Apocalipsis 22:17

Pe Espiritu Santo, ha pe Ovecha Ra'y rembireko, he'i: Eyú. Ha pe ohendúva, te'i: Eyú.

Ha pe iyy'uheiva, ha ouséva, tou ha toy'ú pe ý oporomoingovévagai, reiete.

Isaias 1:18

Eyú pya'eke, he'i Tupã Ñandeyára, ha ñaime porãme. Pe nde pecado kuéra ha'e ramo pe granaicha, nieveicha imorotĩ vaerã, ha rojo ramo katu upe carmesicha, pe blanca lanaicha ipotĩ vaerã.

Juan 7:37

Pe arete ára paha oñemomba'eguasuvémi. Upeha árape Jesús opu'ã oñembo'y ha he'i ichupe kuéra: Oime ramo iyy'uhéiva, tou che rendápe ha toy'u.

14 NAENTERÓI YVYPÓRA HA'E TUPĀ RA'Y

Juan 1:12

Upéicharamó yepe, oĩ va'ekue orecibíva ichupe ha oyerovia va'ekue hese; umívape ome'ẽ oiko haguã ichugui kuéra Tupã Nandeyára ra'y.

Romayguápe 8:14, 15

Opa umi oisambyhývape Tupã Nandeyára Espíritu umíva Tupã Nandeyára ra'y. Pe Espíritu oñeme'ẽ va'ekue peẽme ndaha' éi tembyguái espíritu pene mongyhye yevy haguã, oñeme'ẽ peẽme pe Espíritu oyapóva pende hegui Tupã Nandeyára ra'y uvei. Ha upe Espíritu rupi ya'e: "¡Che Ru!"

II Corintoyguápe 6:17, 18

Upévareheke: Pesẽ iyapytégui kuéra, ha peyei ichugui kuéra, he'i Nandeyára; ha ani pepoko mba'e ky'a rehe. Ha che pomoguãhêta, ha cheve ha'eta pende Ru, ha peẽ ha'eta che ra'y ha che rayy kuérata, he'i pe Nandeyára ipu'akapáva.

Filipoyguápe 2:15

Ani haguã avave oyuhu pende rehe, mba'eve ivaíva terã peyeyavy hague, ta peiko uvei tekove vaĩ kuéra ñaña apytépe Tupã Nandeyára ra'y kuéraicha, imara'yva, omimbívn ko múndope estrella kuéraicha pyhare.

MBA'ÉPA TUPĀ HE'Í PE BEBIDA MBARETERE 15

Isaias 5:11

¡Angaí umi opu ãva pyharevete ha osegua pe ka'u pe pyhare pevé, ha ho'u pe vino ombotarová-peve!

Proverbios 23:31, 32

Ani rema'ẽ pe vino oroteaya-vépe, ha oresplandece yavé pe icolor cópape, remboiké suavemente. Ha ipahápe mbóicha oisu'ú vaerã, ha áspicha ome'ẽ vaerã pe idolor.

Galaciayguápe 5:19-21

Oyekuaa porã voí mba'épa pe yvypóra reko rembiapo, ha ko'áva ha'e hina; yoguereko menda'y rehe, mba'e ky'a ha teko vaí. Ta'anga ñemomba'eguasú ha pa-

ye apo, yuayhu'y, yuavy, celo ha pochy rei, oyupe garantésé, ñorairõ, yeporodividi aty atýpe, envidia, poroyuka, ka'u, karuguasú, ha ambue mba'e ko'ãichaguá. Pomomandu'a, ha'éma haguéicha peẽme, umi upéicha oikóva ndoikemo'ãihá Tupã Ñandeyára réinope.

Romayguápe 13:13, 14

Yaiko ramo hekópe, ára peguáicha. Ani ka'u ha karu guasúpe, terã teko vaiha yepokuaa vaípe, terã ñoñe'eyopi ha py'arasy reheve ñande rapicha ndive. Upéva rangue peñemonde Ñandeyára Jesucristogui, ha ani peyapo pe yvypóra reko rembipota ky'a.

Marcos 10:17-22

Ha osēvo ha'e oho haguã ou peteĩ kuimba'e ñaniháme oñesũ henondépe ha oporandu ichupe: Maestro marangatu, ¿mba'epa ayapo vaerã ahupyty haguã pe tekove opa'ýva? Ha Jesús he'i ichupe: ¿Mba'érehopa ere che marangatuha? Ndaipóri imaranga-tuva, Tupã Nandeyára añoite mante. Reikuaa; hembiapoukapy: "Aníke renbuai mendare, aníke reporoyuka, aníke remonda, aníke remopu'ã yapu nde rapicha rehe, aníke reipe'a rei mba'eve avavégui, emomba'e nde ru ha nde sýpe." Ha ha'e he'i: Maestro, opaite ko'ã mba'e ayapopa che

mitãrusú guive. Ha Jesús oma'ẽvo hese ohayhueté, ha he'i ichupe: Peteĩ mba'e ocalta ndéve: Tereho eñemumba rerekóva rehe, eme'ẽ hepykue mboriahúpe, ha rerekóta mba'eta yvágape; upéi katu ehupi nde kurusu ha che moirũ. Ha'e katu ipy'a remimbyasyete upe ñe'ẽ rehe, ha oho mba'embyasy reheve, oguerékogui he-ta mba'e.

Proverbios 16:25

Oĩ tape iporãvaicha pe kuimba'epe, pero pe ipahá katu, muerte katuetéi vaerã.

I Juan 3:7, 8

Che ra'y kuéra, ani peñembotavyka, upe oyapóva pe hekoitepegua heko potĩ Jesucristoicha. Pe oikóva opeca katu aña mba'e, aña opecágui iñepyrũmbý guive. Pe Tupã Nandeyára Ra'y ou va'ekue ombuaí haguã voĩ pe aña rembiapokue.

I Corintoyguápe 6:9, 10

¿Ndapeikuaái piko umi heko-pe'y oikóva ndoike mo'ãihá Tupã Nandeyára réinope? Anike peyavy, umi oporoguerékóva menda'y rehe, terã ta'anga omomba'eguasúva, terã oméndava ha oikóva ambue ndive, terã kuim-

ba'e oguerékóva hapicha kuimba'épe, terã omondáva, terã umi oyupe garante oipotapáva, terã ika'úva, terã iyurumby'yiva, terã mondaha, mavavéva umichagua ndoike mo'ãi Tupã Nandeyára réinope.

Santiago 1:22

Ha peyapo pe ñe'ẽ he'iva, ha anítei pehendúnte; upéicharamo niko pende yupe voĩnte peñembotavyta.

Efesoyguápe 5:6

Aníkue avave pene mbotavy ñe'ẽ reípe, ko'ã mba'e voĩ pe oguerúva Tupã Nandeyára pochy ipohietéva umi iñe'ẽrendu'yva ári.

Romayguápe 5:12

Pe pecado oike hagueicha yvy ári peteĩ kuimba'e rupi, ha pecado rupi oike pe ñemano, upéicha avei pe ñemano ohasa opavavépe, opavave opecágui.

Romayguápe 8:6

Pe yepy'amongeta yvypóra reko rehegua rehe ogueru mano; pe Espíritu reko rehegua rehe katu ñane moingove ha ñane mbopy'aguapy.

Ezeguiel 18:20

Pe alma opecáva, omano vaerã katucte; ta'yra ndoguerahai-chene pe túva pecado, ni pe túva ndikatui ogueraha pe ita'yra pe-

cado. Pe justicia oĩ vaerã pe justo ári, ha pe ímpio ári katu oĩ vaerã voí pe impiedad.

Lucas 15:32

Ko'ãga katu niko tekotevẽ yavy'a ha ñande rory, ko nde ryvy niko omano va'ekue, ha péina oikove yevy; okañy va'ekue ha yayuhu yevy.

Proverbios 11:19

Pe justicia oñeconducíva tekove rupi, upéicha ha'e umi osegúia opa umi ivaíva oyapo pe ñemano.

Santiago 1:15

Ko'ã mba'e vaí potágui osẽ'pecado ha pe pecado okakuáama ramo katu, hi'a pe ñemano.

JESUCRISTO OCONGUISTA LA MUERTEPE 19

Apocalipsis 1:18

Ha pe oikovéva, Amano va'ekue, opáichavo, ko'ãga oikove tapia guarã, ha areko pe mano ha umi omanóva renda rehegua llave kuéra.

Lucas 7:14, 15

Ha Jesús oñemboya ha opoko pe tetekue rýru rehe, ha umi heraháara opyta. Ha Jesús he'i pe omanóvape. Mitãrusu, ndéve ha'e: ¡Epu'ã! Upévo pe omano va'ekue opu'ã ha oñepýrũ oñe'ẽ, ha Jesús ome'ẽ ysype.

Juan 11:43, 44

Upéva he'ipavo hatã osapukái ha he'i: ¡Lázaro, esẽ okápe! Ha pe omano vaiekue osẽ, oyepokua ha oyepykuaha reheve ha hova oyeyaho'i peteĩ pañuélope. Jesús he'i ichupe kuera. Peyorapa ha peheya toho.

Juan 10:17, 18

Che Ru niko che rayhu chéve ame'ẽgui che rekove ayapyhy yevy haguã. Ndipóri oipe'áva che hegui che rekove, che uvei ame'ẽ ame'ẽsegui. Iya chéve ame'ẽ haguã ha ayapyhy yevy haguã.

20. TUPĀ ÑANDEYÁRA COMANDANTE

Deuteronomio 5:6-21

Upéramo Tupã Ñandeyára ha-tã oñe'ẽ ichupe kuéra. Che niko hina Tupã nde yára, roguenohẽ va'ekue Egito rembiguáigui. Nderereko vaerái tupã ambue che renondépe. Ndereyapo vaerái ta'ãnga ha mba'evéichagua ra'ãnga, oíva yvate, ko yvy ári ha yvyguy-pe. Nereñesũ vaerái henondépe, ha neremomba'e vaerái avei. Che niko hina Tupã nde Yára, mbarete, hakate'ỹva nde rehe. Aníkena reipuru Tupã Ñandeyára ñe'ẽnga ramo. Nemandu'ake pe

pytu'uha árare momarandu haguã. Seis dia remba'apo Va'erã ha reyapopa vaerã nerembi'apo. Ha pe siete dia ha katu Tupã Ñandeyára mandu'arã. Ehayhu ha emomba'e guasu vaerã nde ru ha nde sỹpe. Aníkena eporoyuka. Aníkena epomuãkaratĩ ha pe yoguereko menda'ỹre. Aníkena remondá. Aníkena remboya nde rapichare oyapo'ỹ va'ekue. Aníkena reipota tarova nderapicha mba'eva, hembireko, hembiguái, hymbá kuéra, ha mba'eve nemba'e'ỹva.

NDE, NDICATUICHENE RECAÑY ÑANDEYÁRAGUI 21

Proverbios 15:3

Pe Tupã Ñandeyára resa ohe-sapepá yvóra oparupi. Ha omaña voi hina pe tekovevai ha tekoveporã rembi'apórehe.

Jeremias 23:24

¿Mávapa oimene sapý'arei oka-ñyrõ che hegui, ha pe che resa ndohechaichene vaerã? He'i Tupã Ñandeyára. ¿Sapý'areípa na mo-henýhembai che pe yvagua ha pe yvy? He'i Tupã Ñandeyára.

Salmos 139:8, 12

Ha ayupirõ ciélope, upepe reime. Ha infiernope ayaporõ pe che rugarã, añete ha'e ndeve, u-

pepe reimene avei. Ni upeicha-verõ pe pýtũ rupi akañyne nde hegui. Pýhare omimbe áraicha ndéve, ha pe pýtũ ha pe ára lomismonte avei.

Lucas 8:17

Ndaipóri voi mba'e ñemimbý oyehechakuaa'ỹ vaerã, ha mba'e ñemihamegua oyekuaa'ỹ ha osẽ'ỹ vaerã hesakáháme.

Job 34:21, 22

Tupã Ñandeyára resá oĩ vaerã katujete pe kuimba'e rape ári. Ha pe tekovevai oĩhape katu mdai-porichene pe pýtũ ha pe mano.

Salmos 9:17

Umi imba'e vaiva oyeguera-ha vaerã infiernopeve, ha entero umi nación hesaraiva Tupã Nandeyáragui.

Mateo 13:41, 42

Pe kuimba'eicha ou va'ekue ko yvy ári omondóta hi'ángel kuéra ombuaty ha oipe'a haguã iréinogui opa umi oporombopeca ha oyapóvape ivaiva. Oity vaerã ichupe kuéra tatakua hendývape; ha upépe oyahe'o ha opururũ vaerã hã kuéra.

Mateo 18:8

Nde po terã nde py ne mbopeca ramo, eikyťi ha emombo mom-

byry; iporáve ndéve reike ramo pe tekove ha'etévape nde rete rehegua'ỹ reheve, ha anítei reyeity tata tapia guarãvape nde po ha nde py mokõivé reheve.

II Pedro 3:7

Pe yvága ha yvy ko'ágaguá katu opyta tata peguarã, Tupã Nandeyára ñe'ẽ rupi. Upe tata ohapypa vaerã yvága ha yvy juicio árape, tekovevaí kuéra oñehundi haguá árape.

Mateo 25:46

Ha ko'áva oho vaerã pe castigo opa'ỹ vaerãme, ha umi imba'e poráva katu oho vaerã pe tekove tapia guarãme.

II Pedro 2:9

Ñandeyára oipe'akuaa umi imarangatúvape pe oipy'ara'ãya ichupe kuéragai ha oheykuaa umi tekove tie'ỹme oyecastiga haguã juicio árape.

I Juan 4:17

Ha upéicha ramo pe mborayhu oĩ hekopete ñande pype yakyhye'ỹ haguã pe juicio árape. Jesucrístoichagui ñande kuéra ko mudope.

Hechos 17:31

Omoĩgui peteĩ ára oñeporandu vaerã yvypóra kuérape hembiapokue rehe hekoitépe peteĩ kumimba'e ha'e oiporavo va'ekue ru-

pi; ha obehauka va'ekue opavavépe kóva añeteha omoingove yevýpype ichupe omanóva apytégui.

II Corintoyguápe 5:10

Tekotevẽgui opavave yayechauka Cristo tribunálpe, peteĩ teĩme oñeme'ẽ haguã hembiapokue rehe hetépe oiko aya hembiapo porãngué rehe terã hembiapo vai-kue rehe.

Hebro Kuérape 9:27

Ha yvypóra kuéra omano vaerã háicha peteĩ yevy añónte, ha uperire katu pe juicio.

Romayguápe 14:12

Ha upéicha peteĩ teĩ oñe'ẽ vaerã oyehe Tupã Ñandeyárape.

Romayguápe 9:16

Upéicha niko ndaha'ei yaipota terã ñañeha'ärehe, Tupã Ñandeyára oporoporiahuvereko rehente uvei.

II Corintoyguápe 8:9

Peikuaáma niko peẽ pe Ñandeyára Jesucristo mborayhu: penderayhupápe, mba'eta rerekoha ramo yepe ha'e, oñemomboriahu hague pe imboriahukue rupi pene mba'eta haguã peẽ.

Romayguápe 5:15

Pe Tupã Ñandeyára ome'eva ñandéve katu ndikatúi ñamboyo-ya pe Adán rembiapo vaikue rehe. Pe peteĩ kuimba'e rembiapo

vai rupi niko heta omano; pe salvación Tupã Ñandeyára ome'e rei va'ekue ñandéve peteĩ kuimba'e Jesucristo, rupi katu, mba'e guasuve ha iporã eteve hetá peguarã.

II Corintoyguápe 9:15

¡Ñame'e las gracias Tupã Ñandeyárape, ome'e haguerehe ñandéve hetave upe ikatu vaerãgui ñamombe'u!

Hechos 4:33

Ha umi apóstol kuéra katu omombe'u meme tuicha pu'aka reheve Ñandeyára Jesús oikove yevy hague omanóva apytégui ha Tupã Ñandeyára oipytyvõ mbarete ichupe kuéra.

YEPY'AMBÝASY (ARREPENTIRSE)

25

Lucas 13:3

Ha'e peẽme ahaniriha; ha peẽ peñarrepenti'y ramo peñehundi-pa vaerã avei.

Mateo 3:2

Ha he'i: Peñarrepentike, hi'anguĩmagui pe yvága pegua reino.

Hechos 3:19

Upévareche, peñarrepenti ha peyu Tupã Nandeyára rendápe oyei haguã pende hegui pende pecado kuéra ha ou haguã piro'y ára Nandeyára renondégui.

II Corintoyguápe 7:10

Pe mba'embýasy Tupã Nandeyára ndive guarã niko, ogueru pe-

teĩ arrepentimiento salvaciónrã, ha ndaipori mba'érehépa ñambýasy haguã upéva: umi yvypóra mba'ebýasy ratu ogueru mano.

Hechos 2:38

Pedro he'i ichupe kuéra: Peñarrepenti, ha peyebautizauka pe-teĩteĩ peẽ kuérava Jesucristo rérape peñemopotí haguã pende pecado kuérágui, ha oñeme'ẽ haguã peẽme Espíritu Santo.

Hechos 17:30

Tupã Nandeyára oheya rei va'ekue yvypóra kuéra reko tavykue ymaite guive, ko'ága katu he'i opavavépe, opárupi, toñarrepenti.

Apocalipsis 3:20

Pëina che aime ne rokême ha ambota; oime ahmo ohendúva che ñe'ẽ ha oipe'áva pe okê, aikéne hendápe ha acenáne hendive, ha ha'e chendive.

Hechos 5:31

Upévape Tupã Nandeyára omoĩ yvate, iyakatúa koĩy, Príncipe ha Salvador ramo, iya haguã Israel retãme oñearrepenti ohupity haguã pendón ipecado kuéragui.

Ezequiel 18:21

Ha yvypóra oñearrepenti paite-rõ pe pecado oyapoakuégui, ha

oñongaturõ opa pe che ñe'ẽ, ha oyapopa ramo pe juicio ha pe justicia, añete oikove vaerã. Noma-noichene.

Mateo 6:14

Peẽ peperdona ramo umi oyapo vaívape pende rehe, pende Ru oĩva yvágape pene perdona vaerã avei.

Isaias 55:7

Toheya pe ímpio pe itapevai, ha pe kuimba'e maligno pe ipensamiento ky'a, ha toñearrepenti Tupã Nandeyárape oñecompadecer haguã hese. Tupã Nandeyára ipoderoso ñande perdoná haguã.

Pepensa umi mba'e yvága pegua rehe, ha ani ko yvy arigua rehe. — Colosoyguápe 3:2

Efesoyguápe 5:11

Ani peẽ peyhe'a umi mba'e ovale'ỹva mba'eve ha pytunguy peguáva rehe; peikuaaka uvei ivaiha.

Isaias 1:16

Peyeyohei ha peñemopotĩ che renondépe, ha pepoipa pende pecado che resa renondégui, ha anivetei peyapo pe ivaíva.

Títópe 2:11, 12

Tupá Ñandeyára niko ohechauka na'ekue nandéve imborayhu, oikuave'ẽvo pe salvación opavave yvypóra kuérape, ha pe im-

borayhu ñane mbo'e yaheya haguã ívaíva ha yvypóra kuéra mba'e pota ha yaiko haguã ko yvy ári yererekokuaápe, hekópe ha nborayhu pópe Tupá Ñandeyára peguarã.

I Juan 2:15, 16

Ani pehayhu ko mundo, terã umi mba'e ipype oíva. Oime ramo ohayhúva ko mundo, ndohayhúi Tupá Ñandeyára ñande Rúpe, opa ko mundo peguáva, ndoúi ñande Rúgui ko mundo mba'énte. Umi mba'e vaĩ pe máva ohayhúva, pe tesa ohayhu ha ohechaséva, ha pe yeyapo yvypóra reko reheguáva, opa umi mba'e niko ko mundo reheguá.

Juan 3:3

He'i Jesús ichupe: Añete, añete ha'e ndéve, upe onace yevy pýahú'ỹva, ndikatúi ohecha pe Tupã Ñandeyára reino.

I Juan 2:29

Peẽ niko peikuaa Jesucristo imarangatuha, peikuaa vaerã avei opa umi hembiaipo porãvo Tupã Ñandeyára Ra'yha.

II Corintoyguápe 5:17

Upévarehe pe oñemopeteĩva Cristo ndive ohupity tekove pýahú, umi mba'e tuya ohasapáma ha opa mba'e ipyahupa.

I Juan 5:18

Yaikuaa opa upe Tupã Ñandeyára ra'ýva ndoikoïha opeca,

Tupã Ñandeyára Ra'y oñangarekógui hese ha aña ndikatúi opoko hese.

Romayguápe 5:9

Ha ko'ãgama katu yayererekómava hekopotiva ramo huguy rupi, Cristo ñande salva vaerã pe Ñandeyára cástigogui.

I Pedro 1:23

Peẽ niko penace yevy pýahú va'ekue, ndaha'úi ru yvypóra kuéra omano vaerã reheguágui.

Ezeguiel 36:26

Ame'ene vaerã corazõ pýahú, ha amoïne peteĩ espíritu pýahú pende py'apype. Aipe'ane avei pende ro'ogui pe corazõ itaicha, ha ame'ene he'ý peteĩ corazõ to'ogui.

OMANÓVA PECÁDOPE HA OIKOVEVA CRÍSTOPE 29

Colosayguápe 3:1

Upévareche, peẽ peikove yevýma va'ekue Cristo ndive, peheka umi mba'e yvága peguáva, oguapyhápe hina Cristo Tupã Ñandeyára po akatúape.

Efesoyguápe 2:1, 6

Ha Tupã Ñandeyára ñane moingove yevy Cristo Jesús ndive ha ñane mboguapy hendive yvágape upe mburuvichahápe ha'e. Tupã Ñandeyára pene moingove peẽme, ambue árape peẽ omanóva va'ekue pene rembiapo vai ha pende pecádope.

Romayguápe 6:2, 11

Ñande niko ñamanoma va'ekue pecado peguarã, ¿mba'éicha pi-

ko upéicharamo yaikovevéta ipy-pe? Upéicha avei peẽ, peyere reko pemento va'ekuéicha pecado peguarã ha peikovéva ramo Tupã Ñandeyára peguarã, Ñandeyára Jesucristo ndive.

Galaciayguápe 5:24

Ha umi Cristo mba'eva omo-mamóma va'ekue kurusu rehe pe heko yvypóra rehegua ipy'a yerure ha hembipota vaĩ reheve.

I Pedro 2:24

Cristo ete voí ogueraha va'ekue ñande pecado kuéra hetépe kurusu rehe, ndayaikove véima haguã pecádope, yaiko haguã teko marangatúpe uvei. Ha'e oyekutu va'ekue peẽ pekuera haguã.

Juan 3:14, 15

Ha Moise omopu'ãhaguéicha mbói tave'yme, upéicha tekotêvê oñemopu'ã Kuimba'e Ra'y. Opa oyeroviáva hese hekove apyre'y haguã.

Juan 17:3

Kóva niko ha'e pe tekove tapia guarã ta nde kuaa hikuái ndéve nde añoiteha Tupã Ñandeyára añetegua, ha toikuaa Jesucristo-pe pe nde rembou va'ekue.

Juan 3:36

Pe oyeroviáva pe Ta'yra rehe, oguereko ma pe tekove tapia guarãna; pe oyeroviasé'yva pe Ta'yra

rehe katu, ndoguerekoma'ái upe tekove, ohupity vaerã uvei pe Tupã Ñandeyára castigo ipohlyié-téva.

Romayguápe 6:23

Angaipa repyme'ẽ niko ñemano, Tupã Ñandeyára me'embý rei katu tekove apyre'y Cristo Jesús Ñandeyára pype.

Juan 5:24

Añetehápe ha'e peẽme: pe ohe-ndúva upe che ha'éva, ha oyeroviáva pe che mbou va'ekue rehe, oguerekóma tekove tapia guarã; noñecondena vaerái, ohasáma manógui tekovépe.

Romayguápe 8:16

Ha pe Espíritu ete voi niko ñande py'apýpe oikuaauka ñandéve Tupã Nandeyára ra'yha ñande.

Isaias 32:17

Pe justicia rembi'apo niko ha'e vaerã paz, ha pe justicia taihupára katu reposo ha descando tapi guarã.

Galaciayguápe 4:6

Ha ita'yrama rupi peẽ, Tupã Nandeyára omóĩ va'ekue Ta'yra Espíritu pene corazõme, ha pe Espíritu he'i: ¡Che Ru!

I Juan 3:18, 19

Che ra'y kuera, yaporohayhu vaerã ndaha'ei ñande yurú pente yahechau ka vaerã uvei pe ñane

mborayhu iñañeteha ñane rembiapokue rupi. Kova rehe ikatu yaikuaa pe añete reheguaha ñande, ha ñande py'aguapy vaerã Tupã Nandeyára renondépe.

I Juan 4:13

Yaikuaa ñaimaha Tupã Nandeyára ndive, ha Tupã oihá ñande pype, ome'ẽ rehe ñandéve iyespíritu.

Juan 14:21

Upe oikuaáva ha ayapóva che rembiapoukapy, ahechauka añetehápe che rayhuha. Ha che Ru ohayhu vaerã pe chéve che rayhúvape, ha che ahayhu vaerã avei ha ayechauka vaerã ichupe.

32 PE JESÚS ROVAKE OME'Ē VY'A PORĀ

Isaias 12:3

Aipe'anearã vy'ape ko ý oĩa salvación fuéntepe.

Romayguápe 14:17

Pe Tupã Nandeyára reino niko noĩri ya'úva terã ñamboy'úva rehe, teko hekopetegua, py'aguapy ha vy'a Espíritu Santo rupinte uvei.

Galaciayguápe 2:20

Che amano va'ekue kurusu rehe Cristo ndive, ha upévarehe nda che véima pe oikovéva, Cris-tontema pe oikovéva che pype. Ko che rekove ko'ãguaguá aroikove ayerovia rupi Tupã Nande-

yára Ra'y rehe, pe che rayhu ha omano va'ekue che rehe.

Juan 15:11

Che añe'ẽ peẽme péicha pevy'a haguã chendive, he pene renyhẽ haguã vy'agui.

Salmos 16:11

Ohechauka vaerã cheve ko tekove tape, ha nderovaképe oĩ katuete vaerã pe poder ha pe vy'a tapia guarã.

Juan 17:13

Ahátama ne rendápe, ha asẽ mboyve ko yvy árigui ha'e ko'ã mba'e kuéra henyhêté haguã avei ko vy'a che arekó vagui.

Romayguápe 6:16

Peẽ peikuaa porã peñeme'ẽ ramo mávape hembiguairã pene ñe'ẽrendú haguã ichupe, peẽ upéicharamo upe pende yára rembiguái ha pene ñe'ẽrendú vaerã ichupe. Upéicha avei, pene ñe'ẽrendú ramo pecádope pende yárapeicha, upéva ogueru mano, terã Tupã Ñandeyára ramo, upéva ogueru teko potí.

II Tesalonicayguápe 1:7-9

Pe mba'e vai ñemi pu'aka niko omba'apóma hina, oha'arónte oyei mbytégui pe ko'ãga oyokóva. Ha upéi katu oyehe chauka vaerã upe tekove tie'ỹ, Ñandeyára Je-

sucristo oyuka vaerã ipytúpe ha ohundi vaerã pe iguahẽ resapepe. Pe tekove tie'ỹ niko Satanaz remimbou, aguahẽ vaerã tuicha pu'aka ha techaukarã ha milagro yapu reheve.

Deuterenomio 11:26-28

Peina ape che amoĩ ko'ãga penderovake pe bendición ha pe maldición. Pe bendición pehendurõ pe Tupã Ñandeyára mandamiento pe che ae aescribiba ko'ãga. Ha pe maldición ohenduse'ỹvape pe Tupã Ñandeyára mandamiento, ha amboguevine pe tape che amoĩakuégui ko árape oyeoihaguã pe dioces aheno rapykuére oñekonoce'ỹvape.

34 CRISTOPENTE ÑACONFESA VA'ERĀ ÑANDE PECADO

Mateo 10:32, 33

Oimeraëva omombe'úva che reheguaha yvypóra kuéra rovake che amombe'u vaerã avei che Ru yvágape oíva rovake che heseguaha. Ha oimeraëva he'iva yvypóra kuéra rovake nda che kuaaiha katu che avei ha'e vaerã hese che Ru yvágape oíva rovake ndaikuaaiha ichupe.

Romayguápe 10:9, 10

Nde yuru rupi ere ramo Jesús nde Yaraha, ha nde py'apýpe rerovia ramo Tupã Ñandeyára omoingove yevy hague ichupe omanóva apytégui, reyesalváta. Ñande py'apýpe yayerovia ya-

yerereko haguã heko potíva ramo, ha ñande yuru rupi ya'e yayeroviaha Jesucristo rehe yayeresalva haguã.

Felipoyguápe 2:11

Ha opavave he'i haguã Jesucristo ha'eha Ñandeyára, oñembmba'eguasú haguã Tupã Ñandeyára pe Tívape.

Lucas 9:26

Oime ramo che rerotíva chéve ha oguerotíva che ñe'ẽ, upévape aguerotí vaerã che avei. Kuimba'éicha ayu va'ekue yvy ári ayuha ára Réycha che Ru ha ángel kuéra marangatu glóriape.

Efesoyguápe 6:11

Pemonde pe eguipo Tupã Ñandeyára ome'ëva peẽme, ikatu haguã peime hatã ani haguã pene mbotavy aña.

I Pedro 5:8

Peikokuaákena ha peñeñanga-reko pe mba'epochy pene rairõva oiko rehe león okororõvaicha pende yerekuévo oheka mávapepa ho'úta.

Mateo 4:1, 10,11

Upéi pe Espíritu Santo ogueraha Jesúspe disiértope oipy'ráã haguã ichupe aña. Jesús katu he'i ichupe: Eyei ko'águi, Satanás, Tupã Ñandeyara Kuatiañe'ẽ Ma-

rangatúpe he'i: "Nde Yára Tupã renondépe reñesũ vaerã ha ichupe añoite reservi vaerã." Upémaramo pe aña oheya ichupe, ha oguahẽ Jesús rendápe ángel kuéra oservi haguã ichupe.

Hechos 26:18

Romomdo hendápe kuéra rehesape'a haguã ichupe kuéra, anive haguã oguata pytũngúy rupi tesapeha rupĩte, ha anive haguã oiko Satanás poguípe, Tupã Ñandeyára poguypente, ha oyerovia haguã che rehe ha ohupity haguã upéicha rupi perdón ipecado kuéragai ha imba'erã kuérava imarangatuva apytépe.

II Tesalonicayguápe 2:8

Ha upéi katu oyehetchauka vaerã upe tekove tie'y, Ñandeyára Jesucristo oyuka vaerã ipytúpe ha ohundi vaerã pe iguahẽ resapépe.

Romayguápe 8:35, 37

¿Mávapa ikatúne ñande pe'a Cristo mboray hugui? ¿Ikatúnepa oyapo pe yepy'apy, terã mba'e hasýva, terã persecución, terã nembýahýi, terã opívo, terã ñemongyhye, terã yeyuka kyse prakupe? Opáichavo, opa ko'ã mba'épe ndaipóri ipu'akáva ñande rehe upe ñande rayhu va'ekue rupi.

Hebreo 2:14

Ha umi ta'ýra kuéra to'o ha tuguyguigua rehe, Jesús avei ho'o ha huguy va'ekue ñandéicha, ohundi haguã imano rupi pe ikatu va'ekuépe oporoyuka, upẽva niko hína aña.

Santiago 4:7, 8

Peñemoĩ, aipóramo, Tupã Ñandeyára poguy pe. Peñemohatá pe mba'e pochýpe, ha oyehui vaerã pende hegui. Peñemboya Tupã Ñandeyára rehe ha ha'e oñemboya vaerã pende rehe. Pecador kuéra, pemopotĩ pende po; ha peẽ pehayhuséva Tupã Ñandeyára ha mundópe, pemopotĩ pene corazõ.

MBORAYHU, HA APOSTOLOKUERA HA'ĀNGÁ 37

I Juan 3:14

Ñande yaikuaa yahasáma ha-
gue manógui pe tekovépe ya-
hayhu rehe ñane hermano kué-
rape. Pe ohayhu'ỹva ñehermano
omano gueteri.

Galaciayguápe 5:22, 23

Pe Espíritugui katu ou mbo-
rayhu, vy'a, py'aguapy, paciencia,
py'aporã, mba'eporã, yeroviaha.
Yeyapo'ỹ ha yererekokuaa. Ndai-
póri ley oñemoiva ko'áva ko'ã
mba'e rehe.

I Juan 4:20

Oime ramo he'iva: "Che aha-
yhu Tupã Ñandeyárape," ha nda'-
iya'éi ave ñehermano rehe, iya-

pu. Pe ohayhu'ỹva ñehermano o-
hechávape, ¿piko mba'éicha oha-
yhúta Tupã Ñandeyára ha'e ohe-
cha'ỹvape?

I Corintoyguápe 13:1

Añe'ẽ ramo yepe kuimba'e ha
ángel kuéra ñe'ẽme, ha ndaporo-
hayhúi ramo, mba'e parará terã
platlillo tintin rei che.

Juan 21:16

He'i ichupe mokõihá yevy: Si-
mon, Jonás ra'y, ¿che rayhupa?
Pedro he'i ichude, (Jesúspe):
Upéicha, che Yara, nde niko rei-
kuaa rohayhuhu. Jesús he'i ichu-
pe: Aipóramo eñangareko ché-
ve ovecha kuéra rehe.

Romayguápe 4:25

Upe oñeme'ẽ va'ekue omano haguã ñande pecado kuéra rehe, ha oikove yevy yaye rereko haguã hekopotíva ramo.

Hechos 10:39-41

Ha ore kuéra opa umi mba'e Jesús oyapo va'ekue Judea ha Jerusalénpe rechahare. Ha upéi oyuka va'ekue hikuái ichupe omosaingó ramo ichupe kurusu rehe. Opáichavo Tupã Ñandeyára omoingove yevy va'ekue ichupe mbobary arahápe ha oheya oyechauka oréve. Ndoyechaukái opavavépe oréve añónte, Tupã Ñandeyára ore poravo va'ekuépe ymaite guive mba'e rech-

ahará ramo. Ore rokaru ha ro-y'u va'ekue hendive oikove yevy rire omanóva apytégui.

Juan 20:26-28

Uperire ocho días haguépe, Jesús remimbo'e kuéra oñembýatý yevy pýahu peteĩ ógape, ha upéramo Tomás oĩ hendive kuéra. Ha umi okẽ oñemboty ramo yepe, Jesús oguahẽ ha oñemoĩ mbýtépe kuéra ha omomaitéi ichupe kuéra he'ivo: Ta pende py'aguapy yoaite. Upéi katu he'i Tomásme; Emoinge ko'ápe ne kuã, ha ema'ẽ che po rehe, ha emoinge nde. Upéramo Tomás he'i: ¡Che Yára ha che Tupã!

PE RESURRECIÓN, ÑANDE ESPERANLA PORÁITE

39

Juan 5:25, 28, 29

Romayguápe 6:3-5

Añetehápe ha'e peẽme, oguã-hẽhá ára, ha ko'ãgamahá voi, umi omanóva ohendu vaerã pe Tupã Ñandeyára Ra'y porohenoi; ha umi ñe'ẽrendúva ichupe oikovéta. Aníketei pehecharamo kóva, oguahẽ vaerã gueteri ára ha umi omanóva oíva oñeñotỹ haguépe, ohendu vaerã avei iporohenói. Ha osẽ vaerã pe oñeñotỹ haguégui. Umi hembiaapo porã va'ekue oikove yevy vaerã tapiaguarã; umi hembiaapo vaĩ va'ekue katu, oikove yevy ha oñecondena vaerã.

¿Ndapeikuaái piko ñande Cristo Jesús reheguáva yayebautiza va'ekue, yayebautizahague imanóme? Ha upéicha, pe bautismo rupi, ñañeñotỹ va'ekue Cristo ndive, yaikove yevy ha yaiko haguã tekove ipyahúape, Cristo oikove yevy haguéicha omanóva apytégui pe Túva pu'aka oyayaipáva rupi. Ñañemopetei ramo Cristo Ndiva ñamano haguã pe ha'e omano haguéicha, upéicha avei ñane peteíta hendive yaikove yevy haguã, pe ha'e oikove yevy haguéicha.

Lucas 1:74, 75

Ñande pe'áne haguã umi ñande rehe iya'e'yva poguygui ya-servi haguã ichupe Kyhye'y rehe. Teko marangatu pópe ha hekoitépe hesa renondépe yai-kove aya pukukue.

II Corintoyguápe 7:1

Ko'ága ha'éta peẽme umi mba'e peporandu vae'kue chéve rehe pende kuati añe'ẽme. Iporã pe Kuimba'e omenda'y ramo.

II Timotéope 2:21

Ñandeyára ikatu haguã oiporu iporãvarãme pe máva oñemopotí vaerã umi mba'e ivaíva-gui, ha imarangatu vaerã, upéi-

cha ramo iporupyrã vaerã oime raẽva mba'e iporãvape.

I Pedro 1:2

Tupã Ñandeyára, pe Túva, pende poravo va'ekue peẽme oikuaapágui pe tenonderãguá, ha pe Espíritu rupi pene momarangatu va'ekue pene ñe'erendú haguã ichupe ha pene mopotí haguã Jesucristo roguýpe. Imborayhu ha py'aguapýgui ta pene renyhété.

I Pedro 1:15

Upéva rangue ta pene marangatu uvei opa peyapóvape imarangatu rehe pe Tupã Ñandeyára pene renói va'ekue.

Hebreo Kuerápe 13:12

Upéicha avei Jesús omano va'ekue pe ciudad rokárape o-poromomarangatu haguã huguy teete rupi.

I Juan 1:9

Ñamombe'u ramo Tupã Ñandeyára ñande pecado kuéra katu, ha'e ifiel ha ijusto operdona haguã ñande pecado kuéra ha ñane mopotĩ haguã opaite ñane rembiapo vaikuégui.

Mateo 3:11

Che niko añete pobautiza ýpe peñarrepenti haguérehe, po oúva che rapykuéri katu pende bautizáta Espíritu Santo ha ta-

tape. Ha'e ko ipu'akaiteve che hegui upéicha rupi chéve nda'iyái isapatúnte yepe araha haguã ichupe.

Efesoyguápe 1:4

Tupã Ñandeyára niko ñande poravo va'ekue Cristo ndive o-yapo mboyve ko mundo, ñane marangatu ha ñande culpa'ỹ haguã henondépe.

Isaias 35:8

Ha upépe oĩ vaerã peteĩ tape, heravaerã Tape marangatu; pe yvypóra itayasúva ndohasai-chene upe tape ári. Upéva niko pe tape porã umi imarangatúvape guará, ha opa umi itaróvova yepe ndoyavýi vaerã.

PE KUIMBA'E HENYHĒ VAERĀ ESPÍRITU SÁNTOGUI

Hechos 13:52

Umi Jesús rehe oyerovia va'ekue katu ovy'a eterei hikuái ha henyhē Espíritu Sántogui.

Hechos 1:8

Opáichavo, ou rire pe Espíritu Santo pende ári, perekóta pu'aka, ha pesēta pe chemoherakuã haguã Jerusalénpe, ha Judéape opaite henda rupi, ha Samáriape, ha ko yvy pahaite peve.

Romayguápe 8:9

Peẽ katu ndapei kavéima yvy-póra rekópe, Espíritu rekópente uvei, Tupã Nandeyára Espíritu

oĩgui pende pype. Pe oguereko'ỹ-va pe Cristo Espíritu, ndaha éi Cristo mba'e.

Hechos 4:31

Ha oñembo'epa rire, upe óga ha'e kuéra oĩ hague oryríi; ha ha'e kuéra henyhembá Espíritu Sántogui ha omoherakuã Tupã Nandeyára ñe'ẽ kyhye'ỹ rehe.

Ezeguiel 36:27

Ha amoĩ vaerã pe che Espíritu pende py'apype, ha peikone pe che estatuto rupi, ha pe ñongatúne avei ko che ñe'ẽ, ha pe yapýsakanearã.

PROMESA MA'EMBÁPORÁVA CRISTIANOCUÉRAPE 43

Salmos 34:18

Hi'amỹi Tupã Nandeyára umi icorazõ guebrantadogui, ha o-salva avei umi iyespíritu guapývape.

Salmos 37:3

Eyerovia Tupã Nandeyára rehe, ha eyapo iporáva, ha reikovevaerã yvy ári, ha nde sambyhyneará upe anetégui.

I Pedro 4:12, 13

Che ryvy kuéra ahayhuetéva, ani peñemondýi pe hasa asy ramo ku tata mbyte rupi pehasa ramo guáicha peñepy'ará'ã haguã oyehu ramo guáicha peẽme mba'e peha'arõ'yva. Pevy'a uvei iya rehe peẽme pehasa asy pe

Cristo ahasa asy haguéicha, ikatu haguã avei pene renybẽ vy'águi ha'e oyehechauka ha'ára oñemomba'eguasú haguã.

Apocalipsis 21:4

Tupã Nandeyára omokã vaerã hesay kuéra, ha ndaiporivéma vaerã mano, terã tasẽ, terã yahe'o, terã mba'asy, opa umi mba'e yma oĩ va'ekue obasapámia rehe.

Isaias 66:2

Che po oyaropa va'ekue voi entero mba'e, ha upe'are ko'ãva oĩmbá, he'i Tupã Nandeyára. Ha amañanearã umi iyespíritu poriahuva ha iyehumildeva rehe, ha obayhuva pe che ñe'ẽ.

44 PROMESA UPE ONETENTAVAPE

Romayguápe 8:28

Yaikuaa Tupã Nandeyára opa mba'e ombohapeha iporãvarã umi ichupe ohayhúvape, umi ha'e ohenói va'ekuépe oyapose haguéicha.

Isaias 43:2

Ága pe hasarõ yave pe ýrupi, che aimene penendive, ha pe rio rupi katu, na pende mboyahogaichene. Ha pe hasarõ upe tata rupi, na pende rapyvaerãi, ni upe tatarendyguasú oyane pende rehe.

I Corintoyguápe 10:13

Umi yepy'ara'ã ouva pende ári ou avei opavave yvypóra ári.

Peẽ peyeroviakuaa Tupã Nandeyára rehe, ha'e ndoheya vaerãi oyehu peẽme mba'eve ikatu'y vaerã peropu'aka. Upeva rangue, peyepy'ara'ã vove Tupã Nandeyára pene pytyvõ vaerã peropu'aka haguã, ha ome'ẽ vaerã peẽme mba'éichapa pesẽ haguã ha ikatu haguã peropu'aka.

Romayguápe 16:20

Ha pe Tupã Nandeyára ñane mbopy'aguapýva voiete omoíta Satanásme pende pyguype.

Salmos 34:19

Hetaite voí pe imarangatúva aflicción, ha enterovetégui olibráne ichupe Tupã Nandeyára.

Apocalipsis 3:21

Pe ovencévape amboguapýta chendive che trónope, pe che a-
vence haguéicha ha aguapý che
Ru ndive itrónope.

Apocalipsis 3:5

Pe ovencéva oñemonde vaerã
ao morotíme ha ndaípe'ái ché-
ne héra kuéra pe kuatione'ẽ te-
kovete reheguágui, amombe'u va-
erã uvei pe héra che Ru ha hi'-
ángel Kuera renondépe.

Apocalipsis 3:12

Pe ovencévape, amoíta colum-
na ramo che Tupã Ñandeyára
tudaópe, ha opyta vaerã upépe
tapia guarã, ha hese amoíta che

Tupã Ñandeyára réra ha pe che
Tupã ciudad réra, pe Jerusalen
pyahu ogueyýva yvágagui, che
Tupã Ñandeyára rendágui, ha
amoíta avei hese che réra pyahu.

Apocalipsis 21:7

Pe ovencévape oñeme'ẽ vae-
rã ko'ã mba'e herencia ramo, ha
che vaerã Tupã Ñandeyára ha
ha'e che ra'y vaerã.

Apocalipsis 2:7

Pe iyapysáva, tohendu pe Espí-
ritu Santo he'iva umi iglesia Kué-
rape. Umi ovencévape ha'ukáta
pe yvyra mata oikovévagui oíva
Tupã Ñandeyára paraísope.

46 NANDEYARA OÑE'E NANDEVE MENDARE YUEYA REHE

I Corintoyguápe 7:10, 11

Umi omendávape katu ha'e, pe tembireko ani oheya iménape, ha pe ména ani oheya hembirekópe. Kóva ndaha'ei che ñe'ẽ, Nandeyára rembiapoukapýnte. Pe tembireko oheya ramo iménape katu, opyta vaerã omenda'y rehe, terã oiko porã yevy vaerã iména ndive.

Romayguápe 7:2, 3

Pe kuña omendáva niko oyua-yu iména rehe ley rupi pe iména oikove aya; pe iména omano ramo katu pe kuña oyei pe ley

poguýgui omboyuayu va'ekue ichupe iména re he. Upëicha rupi ha'e oiko ramo kuimba'e ambue ndive pe iména oikove aya, omongý'a imendare. Iména omano ramo katu, ha'e oyei upe imendare rehegua ley poguýgui, ha ikatu omenda Kuimba'e ambue rehe omongý'a'y rehe imendare.

Mateo 5:32

Che katu ha'e peẽme, peteĩ kuimba'e opoí ramo hembirekógui, omuakarati'y rehe ichupe, ombuaiuka ichupe pe imendare, ha pe omenda'va pe ipoipýre rehe, upeva avei ombuai imenda.

Juan 14:3

Ha aha ha ambosako'i rire pene rendaguã ayu yevýta pogu-eraha haguã chendive, upéicha-ramo peẽ peiméta pe che aimeta-hapete.

Marcos 8:38

Che rerotíva chéve ha oguero-tíva che ñe'ẽ ko ñemoñare ky'a ha infiel renondépe, che kuimba'-éicha ayu va'ekue ko yvy ári atí vaerã avei hese ayu ha'ára che Ru glóriape ángel kuéra maran-gatu ndive.

Mateo 24:30

Uperõ ko kuimba'éicha ou va'ekue yvy ári señal oyehecha va-

erã yvága rehe, ha opa tetá ru-pigua Kuéra oyahe'opa vaerã ha ohecha vaerã pe kuimba'éicha ou va'ekue yvy áripe ou ramo arái apytépe pu'aka ha mim-bipa reheve.

Santiago 5:8

Perekókena paciencia peẽ avei ha ani pende py'akangýtei hi'aguíma rehe Ñandeyára ou haguã ára.

Mateo 24:27

Pe ára vera oyehecha háicha kuarahy resẽ guive kuarahy reike peve, upéicha vaerã ayu ha'ára che kuimba'éicha ayu va'ekue yvy ári.

48 JESÚS OU YEVY VA'ERĀ MOCŌIHAPÉ

Lucas 21:27

Uperō oyehecha vaerã ko kumba'éicha ou va'ekue yvy ári oúvo arai ári tuicha pu'aka ha mimbipa reheve.

Apocalipsis 16:15

Upéicha árape che ayu vaerã monda háicha. Ovy'a vaerã upe che ra'arõva ha oñangarekóva iyao rehe, ani haguã oyeyuhu opívo ha oyehecha pe oguero-tiva.

I Juan 3:2

Che ryvy kuéra ahayhuetéva, ko'ága voi ñande Tupã Ñandeyára ra'yma, ha ndoyehe chaukái gueteri mba'e vaerãpa gueteri

ñande. Opáichavo, yaikuaa Jesucristo oye hechauka ha'ára ha'eichataha ñande yahecháta rehe ichupe ha'e haichaite.

Lucas 12:40

Peẽ kuéra ke peñembosako'i avei, peimo'ã'yvé yave ou vaerãgui pe kumba'éicha ou va'ekue yvy ári.

Hechos 1:11

Ha he'i ichupe kuéra: Peẽ kumba'e Galileaygua, ¿mba'erehe piko pepyta pema'ẽ péicha yvágaga rehe? Ko Jesús ete voi oyehupi va'ekue pende apytégui yvágape, ou yevy vaerã upe pehecha hagueichaite oho.

ÑANDEYÁRA ÑE'Ē

Salmos 119:11

Pe ne ñe'ē moñepyrũ ñande resape porã voi.

Lucas 21:33

Yvy ha yvága ohasa vaerã, che ñe'ē katu ndohasa vaerãi.

Mateo 22:29

Jesús he'i ichupe kuéra: Pe yevy ndapei kuaáigui Tupã Ñandeyára kuatione'ē ha pe Tupã Ñandeyára pu'aka.

II Pedro 1:21

Jesucristo rupi niko peẽ peyerovia Tupã Ñandeyára rehe, upe omoingove yevy va'ekue ichupe omanóva apytégui ha omo-

mba'eguasú ichupe pe pende yerovia ha pende esperanza pereko haguã Tupã Ñandeyára rehe.

Salmos 119:105

Lámpara guáicha ha'e che pýpe pende ñe'ē, ha tesape rendýicha che rape rame.

II Timotéope 3:16

Pe kuatione'ē Marangatu oikopa va'ekue Tupã Ñandeyára remimoĩuka rupi, oporombo'e, ha oporomomrandu haguã, oporomuatýrõ ha oporohekombo'e haguã pe hekopeteguáva rehe.

**Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:**

**World Missionary Press, Inc.
Box 120
New Paris, Indiana 46553 U.S.A.**

Paraguay

24 Guarani
Printed in USA